

BERANGOKO UDALERRIKO BIDE PUBLIKO JAKINETAN IBILGAILUEN APARKAMENDU MUGATUA ARAUTZEKO ORDENANTZA

1. artikulua.- Xedea.

Ordenantza honen xedea trafikoa antolatzen eta hobetzen laguntzea da. Horretarako 3.500 kg arteko edozein zerbitzu partikular edo publikotako ibilgailuak bide publikoan eta bertan aurreikusitako aparkalekuetan aparkatzeko leku eta denborako mugak ezarriko dira.

Helburua herriko hainbat zonatan aparkatzeko eskaintza eta eskariaren artean oreka handiagoa lortzea da. Helburu hori lortzeko Udalak, bere kabuz edo zerbitzu hori emateko kontrata ditzakeen enpresen laguntzarekin, egin ditzakeen mugapen, kontrol eta inbertsio jarduerak egingo dira.

2. artikulua.- Seinaleak.

Ordenantza honen I. eranskinean agertzen diren kaleek osatzen dituzte araudi berezi honen menpe dauden gunek. Gune horiek behar bezala seinaleztatuak dira, eta seinale bertikalak (ahal den lekuetan) eta horizontalak jarriko dira. Era berean, Alkate-Udalburuak emango du aditzera araudi hau noiz sartuko den indarrean gune bakoitzean, eta aldi berean, gune horien mugak zeintzuk diren esango du. Horren berri emateko, Udaletxeko Iragarki-oholean eta WEB orrian jarriko dira iragarkiak.

3. artikulua. Ordainketa.

Ez da ordaintzeko obligaziorik izango, ibilgailua araututako aparkaleku gisa behar bezala seinaleztatutako leku edo bide publikoetan aparkatzen bada.

4. artikulua.- Tarteak.

Araupeko aparkalekuan, gehienez ere, 40 min aparkatu ahal izango dira ibilgailuak. Denbora hori igaro ondoren, ezin izango da araututako gune horretan berriro aparkatu, 2 ordu igaro arte. Aparkaldi mugatuak ordutegi hau izango du: Astelehenetik ostiralera, goizeko 9:00etatik 14:00etara, eta 16:00etatik 20:00etara, eta larunbatetan 9:00etatik 14:00etara. Dena den, Alkate-Udalburuak ahalmena izango du gehienezko ordutegi hori aldatzeko, zabaltzeko edo murrizteko, baita ordenantza honetan ezarritako egunak, orduak eta aplikazio guneak aldatzeko ere. Eta aldaketa horiek egin ondoren, emango zaio horren berri Udalbatzari.

5. artikulua.- Salbuespenak.

Seinaleztatutako bideetan edo gunetan aparkatzen duten ibilgailu guztiek bete beharko dute ordenantza hau, honako hauek izan ezik:

- a) Gordetako gunetan aparkatutako ibilgailuek, baldin eta beren kategoriarako edo jarduerarako udal baimena badute.
- b) Larrialdietarako ibilgailuek: Anbulantziak, suhiltzaileak, Gurutze Gorria, DYA eta polizia, baldin eta horiek guztiak zerbitzuan badaude.

6. artikulua.- Bertako bizilagunentzako bereizgarria.

Oraingo ez da egoiliar-txartelik emango.

7. artikulua.- Betebeharrak.

Ordenantza honetako bigarren artikuluan aipatzen diren bide publiko eta aparkalekuetan aparkatu ahal izateko, baldintza orokor eta zehatz guztiak bete beharko dira, baita aparkatzeko seinale guztiak errespetatu ere; eta horretaz gain, ibilgailuaren aurreko kristalaren barnealdean, kanpotik erraz ikusteko moduan, aparkatzeko baimena ematen duen txartela jarri beharko da (aparkatu aurretik makina banatzailean jaso behar dena).

8. artikulua.- Zigor araubidea.

1. Ordenantza honen edozein artikulua haustea eta Alkate-Udalburuak ordenantza hau garatzeko emandako xedapenak haustea, trafiko antolamenduko eta zirkulazioko arau-haustetzat hartuko dira, eta ezarritako legezko prozeduraren bidez, zigorra jarriko zaie.

2. Behar bezala eskatuz gero, ibilgailuaren titularrak arau-haustea egin duen gidari erantzulea identifikatu beharko du, eta dagokion prozedurazko izapidean justifikaziorik gabe obligazio hori bete ezean, berari jarriko zaio 8.3.f) artikuluan jasotako arau-haustearen zigorra.

3. Honako hauek izango dira arau-haustek:

- a) Txartelean aparkatzeko jarritako gehienezko denbora pasatzea.
- b) Ordenantza honetan adierazitako txartelik gabe aparkatzea, edo hori ez ikusteko moduan jartzea. Udalak txartela erakutsi beharrik ez dagoela erabakitzen badu, hori erakutsi ez izana ez da arau-haustetzat joko.
- c) Aparkatzeko gehienezko denbora bukatu, eta bi orduko epea igaro aurretik, gune berean aparkatzea.
- d) Txartel edo bereizgarri manipulatu, faltsua, baliogabetua, indargabetua edo desegokia erabiltzea.
- e) Ordenantza honetan adierazitako beste edozein baldintza ez betetzea.
- f) Aurrez eskatuta ere, arau-haustea egin duen gidari erantzulea ez identifikatzea.

9. artikulua.

Arau-haustek honako legeek ezarritakoari jarraituta zigortuko dira: Trafikoari, Motordun Ibilgailuen Zirkulazioari eta Bide Segurtasunari buruzko Legearen testu bateratua onartzen duen martxoaren 2ko 339/1990 Legegintzako Errege-Dekretuaren testu artikulatuaren V. titulua, testu artikulatua erreformatzen duten martxoaren 24ko 5/1997 Legeak aldatutakoa; abenduaren 19ko 19/2001 Legea eta gainerako lege-xedapen osagarriak eta udal ordenantzak.

8.3 artikuluko a), b) c) eta e) ataletan tipifikatutako arau-hausteei 30 euroko isuna

jarriko zaie (kopuru hori urtero berrikusiko da). Isuna jarri eta ondoko hiru orduetan ordainduz gero (makinan bertan edo Udaltzaingora joanda), isuna 15 eurokoa izango da. 8.3 artikuluko d) eta f) ataletan tipifikatutako arau-hausteei 90 euroko isuna jarriko zaie (kopuru hori urtero berrikusiko da).

8.3 artikuluko a), b), c) eta d) ataletan tipifikatutako arau-hausteak trafikoaren eta aparkamenduaren antolamendurako eta hobekuntzarako oztopo larritzat joko dira; beraz, udal agintariek behar ez bezala okupatutako gune publikoa libratu eta berreskuratuko dute. Hori dela-eta, arau-hauste horri jarriko zaion isunaz gain, ibilgailu hori erretiratu eta ibilgailuak uzteko prestatuta dagoen tokira eramango dute.

Ibilgailua bide publikotik kentzeko zerbitzua eskaini izanak, Ibilgailuak ibilgetzeko, hiri bideetatik kentzeko eta udal gordailura eramateko zerbitzua emateagatik ordaindu beharreko tasa arautzeko Udal Ordenantzan xedatutako tasak sorraraziko ditu. Ibilgailua itzuli aurretik tasa horiek guztiak ordaindu beharko dira.

Ordenantza honetan xedatu gabeko kasuetan honako hauek izango dira kontuan: Zirkulazioa Arautzen dituen Udal Ordenantza, eta ezar daitekeen gainerako legedia.

Toki Araubidearen Oinarriak arautzen dituen apirilaren 2ko 7/1985 Legearen 70.2 artikulua ezarritakoaren arabera, behin betiko onartutako testu osoa argitaratu eta aipatutako legearen 65.2 artikulua ezartzen duen epea igarotakoan sartuko da indarrean Ordenantza hau.

I ERANSKINA

ARAUTUTAKO GUNEAK

1. gunea: Sabino Arana kalea 8 zk.